

Broj: 04-3-40/26

Datum: 16.04.2026.

Na osnovu ovlaštenja iz člana 8. Statuta Fondacije za muzičke scenske i likovne umjetnosti Sarajevo V broj: 540/2008 od 18.06.2008. godine, broj: 02-50/09 od 24.04.2009 i broj: 02-172/2009 od 02.12.2009. godine, Upravni odbor Fondacije za muzičke scenske i likovne umjetnosti, na 7. sjednici održanoj 15.04.2026. donosi:

ODLUKU

o poništenju Konkursa/Natječaja za izbor korisnika sredstava Fondacije za muzičke, scenske i likovne umjetnosti za programe, projekte, manifestacije, te sufinansiranje iz oblasti muzičkih, scenskih i likovnih umjetnosti - za fizička lica, za period 01.01. do 31.12. 2025. godine i otkup likovnih umjetničkih djela za 2025. godinu.

I

Poništava se Konkurs/Natječaj za izbor korisnika sredstava Fondacije za muzičke, scenske i likovne umjetnosti za programe, projekte, manifestacije, te sufinansiranje iz oblasti muzičkih, scenskih i likovnih umjetnosti - za fizička lica, za period 01.01. do 31.12. 2025. godine i otkup likovnih umjetničkih djela za 2025. godinu, objavljen dana 31.12.2025. godine u dnevnim listovima - "Nezavisne novine", "Oslobođenje" i na web stranici Fondacije za muzičke, scenske i likovne umjetnosti.

II

Ova Odluka stupa na snagu danom donošenja i objavit će se u dnevnim listovima - "Nezavisne novine" i "Oslobođenje" te na web stranici Fondacije za muzičke, scenske i likovne umjetnosti.

OBRAZLOŽENJE

Upravni odbor Fondacije za za muzičke, scenske i likovne umjetnosti je, nakon što je Vlada Federacije Bosne i Hercegovine, na 267. žurnoj sjednici, održanoj 11.12.2025. godine, donijela Odluku o usvajanju Programa utroška sredstava s kriterijima raspodjele sredstava tekućih transfera drugim nivoima vlasti i fondovima - Transferi Fondaciji za muzičke, scenske i likovne umjetnosti utvrdenog Proračunom Federacije Bosne i Hercegovine za 2025. godinu Federalnom ministarstvu kulture i sporta - Federalnom ministarstvu kulture i sporta, V. broj: 1844/2025 od 11.12.2025. godine („Službene novine Federacije BiH", broj 95/25), postupio u skladu sa obavezom iz člana 8. važećeg Pravilnika o procedurama i kriterijima za izbor korisnika

sredstava Fondacije za muzičke, scenske i likovne umjetnosti (u daljem tekstu: Pravilnik) i člana 28. Poslovnika o radu Upravnog odbora Fondacije.

Predmetnim odredbama je definirana obaveza Fondacije najmanje jednom godišnje raspisati konkurs/natječaj za raspodjelu sredstava Fondacije.

Nakon raspisanog Konkursa/Natječaja za izbor korisnika sredstava Fondacije za muzičke, scenske i likovne umjetnosti za programe, projekte, manifestacije, te sufinansiranje iz oblasti muzičkih, scenskih i likovnih umjetnosti - za fizička lica, za period 01.01. do 31.12. 2025. godine i otkup likovnih umjetničkih djela za 2025. godinu, Fondacija je u postupku naknadne analize i pregledanja konkursne/natječajne dokumentacije utvrdila značajnu manjkavost u dokumentaciji. Detaljnom analizom dokumentacije, utvrđena je neusklađenost konkursne/natječajne dokumentacije s odredbama Odluke o usvajanju Programa utroška sredstava s kriterijima raspodjele sredstava tekućih transfera drugim nivoima vlasti i fondovima - Transferi Fondaciji za muzičke, scenske i likovne umjetnosti utvrđenog Proračunom Federacije Bosne i Hercegovine za 2025. godinu Federalnom ministarstvu kulture i sporta - Federalnom ministarstvu kulture i športa, V. broj: 1844/2025 od 11.12.2025. godine („Službene novine Federacije BiH", broj 95/25). Također je, u bitnom dijelu, utvrđena neusklađenost Pravilnika o procedurama i kriterijima za izbor korisnika sredstava Fondacije za muzičke, scenske i likovne umjetnosti broj 04-1-80/25 od 22.09.2025. godine. sa obavezujućim Smjernicama o minimalnim standardima dodjele proračunskih sredstava putem transfera i subvencija u Federaciji Bosne i Hercegovine („Službene novine Federacije BiH", broj 37/24).

Na temelju detaljne analize navedenih manjkavosti, pojedinačno i u međusobnoj vezi, Upravni odbor je zaključio da bi nastavak provođenja predmetne konkursne/natječajne procedure u konačnici rezultirao nenamjenskim utroškom proračunskih sredstava, a što bi za pravnu posljedicu imalo obavezu povrata finansijskih sredstava od korisnika i predstavljalo bi značajnu proceduralnu i realnu poteškoću kako Fondaciji tako i korisnicima finansijskih sredstava Fondacije. Upravni odbor je radi navedenog zauzeo stav o nužnosti poništenja predmetnog i osigravanje uvjeta za raspisivanje novog konkursa/natječaja, za dodjelu finansijskih sredstava dodijeljenih za 2025. godinu.

Radi naprijed navedenog i obrazloženog, a u cilju spriječavanja nastanka daljnjih pravnih i faktičkih posljedica, Upravni odbor Fondacije za muzičke, scenske i likovne umjetnosti je odlučio kao u dispozitivu ove Odluke.

UPRAVNI ODBOR FONDACIJE

Alen Čustović

Dostavljeno:

- Web stranica Fondacije,
- Na objavu u tiskovine,
- Federalno ministarstvo kulture i sporta (na znanje),
- Evidencija,
- a/a.